


成案質疑

人命四

卷十九之四



漢書門	九二四八	函架	冊架
類	七五	號	冊架

內閣文庫	九二四八	函架	冊架
漢書	七五	號	冊架

內閣文庫	番號	漢	9248
	冊數	75 (43)	
	函號	296	100

四十三





養子誅殺義父

雍正十年四月刑部會議覆龍溪縣民鍾和等謀死鍾黨一案據嗣撫趙 疏稱緣鍾和本名許喜於康熙五十九年正月內鍾黨買為養子本年十月內鍾和卽私跟許表前往臺灣後許表身故至雍正八年十二月回家鍾黨以其流蕩多年不復視為養子每日給錢三十文令其做工又因鍾和要往社中看戲鍾黨欲行責打鍾和忿恨而出適遇鍾黨無服族侄鍾翰鍾和知伊曾向鍾黨借錢不遂舊有嫌遂告以鍾黨不肯代伊娶親每日打罵糾其帮殺鍾黨鍾翰依從至雍正九年三月二十三日鍾和遂邀同鍾翰至次早五更時候偕至鍾黨門首鍾和敲門詭稱臺灣寄有鹿脯誘出鍾黨同挑鍾黨進取扁挑鍾和隨潛入厨下偷藏菜刀與鍾黨同行鍾翰尾隨行至柳仔屈地方鍾和隨將鍾黨推倒一手按其身上一手抓其腎囊鍾





黨欲翻身鍾和卽呼鍾翰按住鍾黨之頭鍾和壓坐鍾黨身上扯開  
衣褲將菜刀割開鍾黨腎囊登時殞命歷審各認不諱查鍾和雖係  
鍾黨養子然恩養未久不曾分有財產配有家室依催工人論將鍾  
和擬以凌遲處死鍾翰係鍾黨無服族侄應同凡論將鍾翰擬絞監  
候照例刺字等因具題應如該撫所題鍾和合依催工人謀殺家長  
罪與子孫同已殺者凌遲處死律凌遲處死鍾翰合依謀殺人從而  
加功律擬絞監候秋後處決奉

奇鍾和著卽凌遲處死鍾翰依擬應絞著監候秋後處決

養子謀殺義父親弟

雍正十年六月刑部會議覆南靖縣民柯隣等謀死柯博一案據福  
撫趙 疏稱緣柯隣本姓曾十七歲時柯博胞兄柯發乞養爲嗣得  
有財產配有妻室柯發身故柯隣與許漢流蕩爲非柯博時常訓誨  
不悛雍正八年八月內柯博耕牛被竊疑柯隣與許漢所偷雍正九  
年五月內又有蔣理嫂田稻被割柯博亦疑柯隣與許漢偷取言欲  
稟官究治柯隣聞却懷恨頃起殺機於六月初八日往許漢家商謀  
同打柯博許漢應允許漢於次日夜攜帶木棍先伏荊叢等候柯隣  
亦帶木棍假意邀柯博同往嶺後巡烟至許漢伏路處所許漢走出  
用棍打柯博脊脅一下柯隣隨用木棍打柯博左耳耳輪耳垂耳竅  
等處柯博倒地叫喊柯隣又拳打其右脇左肋登時殞命歷審各認  
不諱查柯隣謀殺義父之期親兄弟應照催工人論將柯隣擬以凌



遲許漢疑絞已經刺字等因具題查例內財買義男恩養未久者依僱工人論柯隣十七歲時柯發乞養爲嗣恩養未久謀殺義父之期親兄弟應如該撫所題柯隣應照僱工人謀殺家長之期親已殺律凌遲處死許漢合依謀殺人從而加功律擬絞監候秋後處決其柯博蔣理燬牛稻被竊二案正賊應令該撫嚴緝獲日另結奉旨柯隣着卽凌遲處死許漢依擬應絞着監候秋後處決餘依議

殺死姦夫

見兄與妻行姦登時緘死量減斬候

雍正八年十二月刑部會議覆蘇撫尹 疏稱如臯縣民陳良彩與胞兄陳有餘分居多年緣陳有餘子身無婦時在陳良彩家住宿良彩常在外傭工有餘遂與陳良彩之妻儲氏通姦後被良彩知覺將屍逐出雍正七年二月內陳良彩出外傭工陳有餘復至其家緊憐高有志于二十一日奔告陳良彩良彩卽于是晚潛至高有志家于笆壁隙中窺見陳有餘同儲氏在灶前行姦忿不能遏喚同高有志推開笆壁齊至姦所儲氏聞响先遁陳有餘猶疑竊賊喝問高有志卽膝住陳有餘之腿并捉住兩手陳良彩遂解高有志腰繫布繩套入陳有餘頸內立時緘死復同高有志抬屍拋棄河邊而回審擬具題除加功應絞之高有志已于取供後在監病故不議外陳良彩合



依故殺親兄律凌遲處死又稱陳有餘姦淫弟婦敗倫傷化律內原  
應立絞之人陳良彩一時目睹忿激殺死與平常故殺者有間擬以  
凌遲似覺稍重可否擬斬監候合併聲明統聽部議等語查弟殺胞  
兄雖律無可貸但陳良彩因覩伊兄與伊妻姦淫一時忿激致斃與  
尋常故殺胞兄者有間可否將陳良彩擬斬監候恭候  
諭旨遵行儲氏合依兄姦弟妻律擬絞立決奉  
旨陳良彩依擬應斬着監候秋後處決餘依議

嫂叔通姦男女並皆砍傷免議

康熙四十八年十月刑部題會看得吳方八與嫂劉氏通奸一案據  
江撫郎廷極審擬絞罪具題查吳方八因嫂劉氏得病伊兄吳以九  
外出方八侍奉湯藥劉氏病痊之後遂爾通奸于康熙四十八年四  
月二十二日夜方八與劉氏同床熟睡以九自外持燈歸家推門入  
室見卽取刀亂砍俱皆受傷劉氏越七日殞命方八痊愈除劉氏已  
經身死不議外吳方八合依奸兄妻者絞律擬絞立決吳以九于奸  
所將男女並皆砍傷應免議奉  
旨吳方八着卽處絞餘依議



圖姦弟婦被弟毆死

乾隆四年六月刑部會議覆始興縣民鍾稱養毆傷胞兄鍾永耀身  
死一案先據署廣撫王 疏稱鍾稱養與鍾永耀素無嫌怨緣乾隆  
元年十一月二十四日夜鍾永耀在於堂叔鍾應明家飲酒更深醉  
歸知弟鍾稱養在牛欄睡宿遂將鍾稱養之妻李氏房門撥開進內  
摟抱求姦李氏不從扭住鍾永耀腰帶叫喊鍾稱養聞喊進房即將  
鍾永耀扭住用拳毆其肚腹鍾永耀聲喊鍾稱養始知是兄隨拉出  
廳外欲投房族理論鍾永耀被石絆倒磕傷腦後當卽坐起一手抱  
住鍾稱養之足一手捻住鍾稱養腎囊鍾稱養欲其放手隨拾石毆  
其左肋鍾永耀側身鍾稱養復拾石毆其左後肋維時屍子鍾丁三  
堂叔鍾應明胞弟鍾六老嫡姪鍾姜妹聞嚷奔至詢明情由鍾永耀  
旋卽殞命鍾應明酒醉回家睡臥鍾稱養卽買棺令伊弟姪鍾六老

殺死姦夫



鍾姜妹擡埋次早鍾應明查問知已埋墓遂以鍾永耀敗倫傷化僅令鍾稱養醮薦而止迨甲隣查知鍾應明阻令勿報各皆聽從隱匿經該縣訪聞屢審不諱將鍾稱養依弟毆胞兄死者律擬斬立決刺字甲隣鍾惟清鍾則立阻報之鍾應明均分別擬杖援

赦免罪等因具題經臣部等衙門議覆查審理立決重案必須供情明確情罪相符方成信讞此案據該署撫疏稱鍾稱養因伊兄鍾永耀夤夜圖姦伊妻聞喊往救欲拉投房族被鍾永耀捻住腎囊情急拾石毆傷致斃如果圖姦是實則鍾永耀既已自滅倫理鍾稱養情尚可原但鍾永耀圖姦情節皆出自鍾稱養與伊妻李氏之口且李氏既稱已經關好房門是前後房門俱屬櫪閉其前門卽被鍾永耀撥開鍾稱養何以聞聲遽從後門竄入其中或有致死別情亦未可定事關重辟未便率結應令該署撫再行詳審妥擬具題到日再議等因

題駁去後今據該署撫王 疏稱覆加嚴審鍾稱養堅供委因伊兄永耀圖姦伊妻李氏聞喊進房扭打致傷身死其圖姦情節雖止出自鍾稱養與伊妻李氏之口但鍾稱養毆傷鍾永耀卽有伊兄養子鍾丁三與伊叔鍾應明等俱聞叫喊踵至查問維時鍾稱養卽將鍾永耀強姦跌打情由告知且鍾稱養兄弟素相和好實因圖姦打鬧別無起釁之由至詰伊妻李氏臥房據供止有房門其大門後門原係兄弟公共出入當晚鍾永耀未歸前後兩門未櫪以待迨鍾永耀由大門而歸遂撥李氏房門圖姦而鍾稱養所卧牛欄係在公共後門之外聞喊卽從後門入房扭打情事宛然該縣親勘明白屢審並無別情查殺死姦夫例內卑幼不得殺尊長犯則依故殺律科罪今鍾稱養扭鍾永耀出房已經知係伊兄又復加毆致死雖毆時並無欲殺之心自當依毆兄至死科罪鍾稱養應仍照原議擬斬立決但



鍾永耀醉後喪心圖姦弟婦既已自滅倫理且鍾稱養係被鍾永耀  
捺住腎囊情急拾石毆傷致斃雖法無可貸而情尚可原相應聲明  
聽候部議鍾惟清鍾則立鍾應明均照原議分別擬杖援免等因具  
題應如該署撫所題鍾稱養合依弟毆同胞兄死者斬律擬斬立決  
該署撫既稱鍾永耀醉後喪心圖姦弟婦既已自滅倫理且鍾稱養  
係被鍾永耀捺住腎囊情急圖脫拾石毆傷致斃雖法無可貸而情  
尚可原相應聲明聽候部議等語查鍾稱養因伊兄鍾永耀滅倫圖  
姦其妻及拉出廳外復被捺住腎囊情急拾石毆傷鍾永耀斃命雖  
與尋常毆死胞兄者不同但律例並無准予末滅之條應將該署撫  
聲明情尚可原聽候部議之處毋庸議該署撫既稱甲鄰鍾惟清鍾  
則立隱匿不報審無受賄別情均照地界內有死人不申報官司檢  
驗律杖八十各折責三十板鍾應明合依知人謀害他人被害之後

不首報律杖一百係鍾稱養小功服叔應照小功以下得相容隱減  
凡人三等律杖七十折責二十五板但杖犯鍾惟清等俱事犯在乾  
隆二年四月十六日

恩赦以前均應援免鍾六老係鍾稱養胞弟鍾姜妹係鍾稱養親姪俱係  
聽兄叔主使扛抬私埋律得相為容隱均應照律免議李氏審非誣  
執夫兄欺姦亦無助毆情事屍子鍾丁三幼穉不能報官俱毋庸議  
等語均應如該署撫所議完結奉

旨鍾稱養改為應斬着監候秋後處決餘依議



因姦殺死胞兄比例杖徒及被夫兄用強成姦亦不應徑擬絞決  
乾隆八年閏四月刑部會議覆鄒元諒因姦殺死胞兄鄒元直一案  
據浙撫常 疏稱緣鄒元諒赴地工作鄒元直見鄒元諒之妻胡氏  
獨處頓起淫心手持小刀恐嚇胡氏未允鄒元直用手搭住胡氏咽  
喉遂致成姦後胡氏懷孕身倦晝臥在牀鄒元直復帶小刀推門入  
內強將胡氏之褲扯下扭結同睡適鄒元諒回家看見聲喝鄒元直  
卽持刀向戳胡氏乘間奔逸鄒元諒奪刀致傷手背手指鄒元直又  
將門闕向擊鄒元諒氣忿卽將所奪之刀戳傷鄒元直氣食額手心  
心坎殞命屢審不諱將鄒元諒擬以凌遲處死胡氏擬以絞決等因  
具題查律內本夫於姦所親獲姦夫姦婦登時殺死者勿論又例內  
界幼不得殺尊長犯則依故殺律科罪又乾隆六年六月內據河南  
按察使沈起元條奏請將本夫因姦殺死尊長之案照罪人應死而



擅殺杖一百律查明服制以次酌減定爲條例經臣部以服制攸關難以過縱若預定寬減之條恐殺死尊長之犯皆得誣捏姦情以爲狡展之地承審此等案件自應臨時酌量等因奏准在案今鄒元諒因見胞兄鄒元直將伊妻強扭同睡卽於姦所將鄒元直刀戳身死係屬卑幼殺尊長應如該撫所題鄒元諒合依故殺胞兄律凌遲處死但查鄒元直淫亂滅倫姦污弟婦原係罪應決不待時之犯且於伊弟鄒元諒推門撞見之時反敢持刀逞兇亂戳鄒元諒奪刀又復持刀向擊以致鄒元直情急救死還戳斃命是鄒元諒之致死伊兄實因獲姦格鬪而殺正與臨時酌量之原議相符鄒元諒自不得依登時殺死姦夫勿論之律若竟照罪人應死而擅殺杖一百律又屬過輕臣等酌議比照過失殺胞兄律杖一百徒三年恭候

諭旨遵行再查律載姦兄弟妻者姦夫姦婦各絞立決等語此指和姦而

言也若係強姦姦夫斬決姦婦不坐今鄒元諒之妻胡氏被姦情由據該撫審係先因鄒元直持刀恐嚇又堵其咽喉不得聲喊一時無奈致被姦污後鄒元直又復帶刀進房置放牀頭胡氏不依鄒元直強扯其褲扭令同睡並未行姦卽被鄒元諒撞見是胡氏始終無願從之供而鄒元直兩次俱有強暴之狀乃承審各官不核供招遽將胡氏依和姦之律擬以絞決殊屬未協應令該撫再加詳審是強是和務得確實供情議擬具題到日再議至該撫疏稱鄒元諒之母馮氏現年七十二歲止有鄒元諒一人家無次丁可否將該犯存留養親等語鄒元諒旣與臨時酌量之原議相符鄒元諒並非死罪應令該撫照例辦理可也奉

旨依議



被夫兄誼姦告知夫姑後夫被害實非同謀從寬減等

雍正七年十月九卿會議覆河督田 題杞縣民劉秋與楊氏通姦  
勒死氏夫劉群一案查劉秋係劉群之兄劉群自幼聘定楊大之女  
楊氏童養爲妻劉秋見楊氏年長十四頓起淫心屢行調戲楊氏不  
允雍正三年十一月二十五日黎明劉秋令劉群赴縣買紙遂拉楊  
氏成姦繼又姦淫一次十二月二十四日劉群成親劉秋仍欲姦淫  
楊氏不從告知劉群因畏懼劉秋隱忍不言乾隆元年正月十九日  
劉群楊氏均至劉春家楊氏將劉秋欺姦情由告知伊姑曹氏曹氏  
當卽尋罵劉秋蓄恨隨暗取麻繩預作活套乘劉群不備合面按地  
用繩套頸狠勒劉群立時殞命除劉秋在監病故不議外查楊氏已  
將劉秋拉姦情由告知伊夫伊姑與因姦殺死親夫者有間今將楊  
氏擬絞情似可憫應將楊氏照免死減等例杖一百流三千里係婦



人杖一百餘罪收贖餘仍照刑部等衙門原議奉

旨依議

先佔弟婦後殺親弟比例斬決

雍正七年三月刑部議覆先據蘇撫陳 疏稱沐陽縣民周八汗曾

聘妻李氏尚未成婚出外貿易數載未回嗣因李氏父母雙亡李氏  
之叔將氏送至周八汗之叔周其勳家其勳又送與周八汗之母趙  
氏收養詎周八汗親兄周得安央熟識之黃國卿捏報周八汗已死  
并勸趙氏將李氏婚配周得安趙氏不察虛實卽令李氏與周得安  
成親後周八汗歸家常與周得安爭角周得安卽携李氏躲入黃國  
卿家周八汗復投至黃家與兄爭鬧周得安頓起殺機買剃頭刀藏  
身黃國卿聞知曾經勸阻嗣因庄鄰仲起元畏累逐令遷移雍正四  
年四月初九日周得安李氏并周八汗起身回家顧堤行走周得安  
見曠野無人將周八汗絆倒復壓其身輒解腰帶扣其頸項取腰間  
之刀欲殺八汗李氏跪地求饒得安不聽連刺八汗咽喉肚腹等處



又將襪帶網縛手足將屍拖入方塘搗李氏潛逃經地方報縣驗屍  
緝獲周得安等歷審不諱將周得安照兄奪弟財持刀故殺例擬絞  
監候趙氏依違律主婚至死減一等律杖一百流三千里係婦人決  
杖一百餘罪收贖黃國卿比照教誘人犯法與犯人同罪至死減一  
等律僉妻流三千里至配所責四十板李氏在場不行力阻合予重  
杖照律收贖離異歸宗等因具題臣等以周得安央黃國卿捏報伊  
弟周八汗已死騙伊母主婚佔弟妻李氏迫周八汗歸家爭角周得  
安輒買刀藏身乘曠野無人將周八汗刺死慘惡已極該撫將周得  
安照兄奪弟財持刀故殺例擬絞監候殊屬不合周得安之母趙氏  
查係年老瘋疾被周得安計騙主婚罪在設計之周得安今該撫坐  
趙氏以主婚之罪擬以杖流亦屬未協李氏與周得安成親雖周得  
安計騙趙氏主婚但李氏係周八汗聘定之妻今日觀周八汗被殺

李氏不行首告甘與周得安潛逃其中明有共謀殺死情弊何得止  
熟不應重律擬杖收贖種種不符未便率結應令該撫另委賢員再  
行詳審妥擬具題到日再議等因題駁去後今據該撫尹 疏稱審  
據周得安堅供李氏並無同謀加功情事且李氏于雍正五年十二  
月二十九日在家病故應毋庸議嗣得安謀佔弟妻復謀殺其弟倫  
常滅絕慘惡已極但律無正條查雍正五年福建巡撫題吳高與林  
瑄之妻王氏通奸謀死林瑄復詭名謀娶王氏一案奉

旨嗣後有似此謀殺親夫復設計謀娶奸婦為妻俱照此立決永着為例  
欽遵在案今周得安從前雖無奸情而謀娶謀殺情事相同周得安  
合比依吳高之例擬斬立決照例刺字伊母趙氏驗係年老瘋疾實  
為周得安計騙主婚應免律擬黃國卿仍照原擬杖流等因具題應  
如所題周得安應比照謀殺親夫設計謀娶奸婦為妻斬決例擬斬



立決黃國卿合依詐教誘人犯法與犯法人同罪至死減一等律會  
 妻流三千里至配所責四十板趙氏年老瘋疾實為周得夫計騙主  
 婚應免律擬李氏已經病故應毋庸議又稱承審各官因周得安所  
 犯律無正條故援兄奪弟財持刀故殺例擬絞趙氏擬流收贖亦非  
 實流錯擬之處應邀免議等語應毋庸議奉

行依議

因姝姦情敗露從姊夫族之言推姊溺斃從寬減流

雍正十三年四月九卿會議覆陸元亨等撞獲親姊陸氏與鄭端元  
 通姦推蕩淹斃二命一案據浙督程 將陸元亨依弟毆胞姊故殺  
 律凌遲處死沈仲秀等均照律擬杖等因具題經刑部等衙門議覆  
 奉

旨九卿議奏欽此查陸元亨胞姊陸氏夫故孀居向與鄭端元通姦有年  
 陸氏之子沈阿伏送酒往陸元亨家至晚欲歸陸元亨隨攜鉄叉燈  
 亮邀同堂兄陸元美陸元愷各執木柱同送沈阿伏回家陸元亨等  
 在陸氏門首叩門索飲詎鄭端元在房姦宿陸元亨氣忿喊叫地方  
 併將鉄叉擡門入室鄭端元持棍拒打陸元亨用叉戳傷鄭端元左  
 肱肘倒地陸元美陸元愷幫同捉住陸氏夫弟沈命秀聞聲走至陸  
 元亨令其取繩同綱鄭端元兩手陸元美陸元愷縛其兩脚陸元亨



用叉柄打其兩脚陸元美拳毆腮腴棍打臙肘沈仲秀亦執桌檔打其右膝陸元亨又繩縛陸氏兩手意欲送官究治其時沈姓族隣沈爾斌等沈姓族長沈爾瑞羣來觀看沈爾瑞倡言姦夫姦婦敗壞門風合將兩人推蕩淹死沈姓族人同聲忿詈沈仲秀同陸元愷往喚陸元亨親叔陸友明走至拳擊陸氏腮頰等處因聞沈爾瑞淹死之言亦有聽憑沈姓之語沈爾瑞再三激迫元亨聽從用繩將鄭端元繫頸同沈仲秀拖拉擦傷腦後偏左脊背沈爾瑞陸元愷將陸氏拉至蕩邊陸元亨先將鄭端元推入復將陸氏推蕩淹斃歷審不諱查陸元亨見胞姊陸氏與鄭端元姦宿一時羞忿喊叫地方入室捉拏鄭端元卽行持棍拒敵經沈仲秀聞聲趨至幫同捉拏用繩細縛鄭端元又繩網陸氏兩手意欲送官究治並未欲殺迫沈姓族長沈爾瑞繼至以陸氏孀若失節收壞門風主使淹斃而陸元亨之叔

陸友明及沈姓族人又皆同聲忿怒陸元亨聽從沈姓族長及胞叔主使始將鄭端元陸氏推入蕩內斃命陸元亨實因現獲姦夫姦婦兩姓公憤主使始推水淹死在一時羞忿之心實屬迫切而兩族公衆逼迫亦有不能自主之勢且陸元亨亦並未敢于自主問之伊親叔陸友明陸友明亦云聽憑沈姓然後下手其情更有可原陸元亨應改照合族公憤例罪至死者減一等流三千里至配所折責四十六板餘仍照刑部等衙門前議奉

旨依議



因妹與人姦通質問事實毆傷致死

雍正十二年四月刑部會議覆東莞縣民黃亞旺與凌遠茂之妻蘇氏通姦致氏兄蘇亞慶將氏毆死一案據廣撫楊 䟽稱緣氏夫凌遠茂外出營生蘇氏與鄰居黃文斯之妻蘇氏同姓認為姊妹往來黃亞旺係黃文斯無服族弟亦時往文斯家中因與熟識雍正十年三月二十七日黃文斯外出凌蘇氏黃亞旺俱至黃蘇氏家中凌蘇氏令黃亞旺買脩酒肉共飲各醉凌蘇氏與黃亞旺在廚房調戲黃蘇氏見而避出黃亞旺遂與凌蘇氏成奸四月內黃亞旺又在菜園與凌蘇氏相謔被人窺見醜聲外揚五月內凌遠茂回家雖有風聞因無確據尚未根究至雍正十一年二月二十日黃蘇氏與隣家角口黃亞旺斥其長舌黃蘇氏懷恨二十二日晚將黃亞旺姦情告知凌遠茂遠茂聞言忿恨是晚拳毆伊妻胸堂又拾木條毆傷右乳左



臂膊二十三日送氏回家氏兄蘇亞慶傭工外出二十四日蘇亞慶之妻將氏送回又經遠茂送歸適蘇亞慶回家聞知二十五早往遠茂家查問凌遠茂實告蘇亞慶拉妹向黃蘇氏質對姦事是實蘇亞慶愧忿拾石打傷凌蘇氏頂心及偏右脊背等處是夜殞命歷審不諱將黃亞旺等擬以絞杖等因具題應如該撫所題黃亞旺應比照本夫將奸婦毆死審明奸情是實奸夫供認不諱例擬絞監候秋後處決該撫既稱蘇亞慶係蘇氏胞兄律載婦人之兄捕姦殺傷姦夫者與本夫同應照本夫例杖八十折責三十板黃蘇氏合依容止有夫之婦和奸減犯人一等律杖八十非係已身犯奸應照律收贖已經折責收贖發落等語均無庸議奉

旨黃亞旺依擬應絞着監候秋後處決餘依議

囚妹有姦追殺姦夫

康熙十五年二月刑部覆梁乃檀因捉姦毆死何昌引先經東撫趙祥星擬斬具題臣部查乃檀遇見親妹梁氏與伊夫姪孫何昌引通姦愧憤隨將昌引毆打越三日方死安得將毆死姦夫反重擬以故殺之律等因行令該撫確擬去後今據該撫疏稱梁乃檀因伊妹梁氏與何昌引宣淫日久追至酒肆將昌引毆死查律文姦夫已就拘執而毆殺或雖在姦所捉獲非登時而殺並須引夜無故入人家已就拘執而檀殺至死例杖一百徒三年又律云姦夫奔走良人趕至中途追而殺之並依故殺今梁乃檀所犯實與二律相符聽候部奪等因查梁乃檀因親妹梁氏與伊夫姪孫何昌引宣淫日久被乃檀撞遇愧憤隨告知梁氏之姑顧氏商議執姦昌引聞風脫逃乃檀追至酒肆將昌引毆打越三日殞命乃檀復聽梁氏之姑顧氏主使將




梁氏勒死其梁乃檀係梁氏之胞兄查律內婦人之兄捕姦殺傷姦夫者與本夫同等語又律云姦夫已就拘執而毆殺或雖在姦所捉獲非登時而殺並須引夜無故入人家已就拘執而毆殺至死例杖一百徒三年等語梁氏與何昌引通姦是實梁乃檀原引故殺之律不合梁乃檀合改依姦夫已就拘執而毆殺或雖在姦所捉獲非登時而殺並須引夜無故入人家已就拘執而檀殺至死例杖一百徒三年何光堯潘弘勳在傍不行勸阻俱合依不應重律其顧氏主使梁乃檀勒死梁氏之處應議罪但顧氏係梁氏親姑且年逾八十毋庸議其各犯事在

赦前均免罪承問此案各官將梁乃檀依故殺律擬斬不合應查議事在赦前毋庸議奉旨依議

叔同姪謀死犯姦親嫂減等

雍正七年九月九卿會議覆河督田題陳克俊等打死高氏掩埋一案查陳克俊係高氏故夫陳國興親姪陳國祿係陳國興胞弟陳世耀係國興堂兄國興病故遺妻高氏與同姓不宗之高明往來通姦雍正五年十一月二十五日高明復至高氏家看望氏即留與姦淫醜聲外著國祿聞而羞忿於二十七日糾同克俊世耀偕往捉拿各皆依允國祿攜帶鉄尺克俊攜帶撓鈎世耀攜帶麻繩二更時分潛至高氏家國祿聲喊有人高明奔出克俊將高明鈎倒國祿用繩拴縛交付牌頭張守福看守隨至高氏之兄高文隆家告知其事文隆答稱不啻國祿歸家潛與克俊世耀商謀將高氏擣至國興墳內打死掩埋各皆允從國祿攜帶鉄鑊世耀執木棍克俊徒手隨行國祿等將高氏拉至墳畔高氏退縮不前世耀等加功推拉高氏詈罵





世耀用力拉倒國祿卽舉鋸打傷高氏頷頰并打落齒牙高氏當卽殞命國祿等刨坑將高氏掩埋除陳世耀病故不議外國祿與克俊謀死高氏雖應擬抵但高氏與高明通姦醜聲外皆國祿惡其有玷門風一時忿恨遂與克俊等商謀將高氏拉至國興墳內陳國祿取鉄鋸將高氏打死克俊係聽從伊叔國祿徒手隨行並未加功且高氏失節卽與故夫國興恩義已絕若將克俊擬磔國祿擬斬情屬可原陳國祿應改照族人不合法族公憤不及鳴官處以家法以致身死若罪不致死照應得之罪減一等免其擬抵例僉妻流三千里至配所折責四十板陳克俊應改照謀殺人從而不加功律僉妻流三千里至配所折責四十板高明合依通姦例枷責發落奉

依議

因女與人姦通商謀致死

雍正元年十月刑部會議覆湖撫納 疏稱張許氏之女張氏未出室時卽與李燦文通奸後氏嫁王澤生之子王恒爲妻仍往李燦文家住宿王澤生控縣審寔將李燦文枷責張氏給夫領回李燦文患病伊父李公美稟縣踈枷張氏又赴燦文家住宿李公美前往伊子家搜獲張氏令子送回母家張氏截髮聲言爲尼氏母許氏見女不才頓起欲殺之念往商鄰人王公甫相帮致死公甫允從于康熙六十一年六月十四日夜許氏喚同幼孫乾志送女回壻家王公甫尾隨于後行至蔣家冲孤野地方許氏王公甫將氏按仆在地公甫身騎氏背按住兩手許氏自取裙帶纏繞氏頸勒死同抬屍丟棄于澤生附近井內誣告李燦文同周如學謀死歷審不諱將王公甫擬絞許氏擬流分別援



赦具題查王公甫雖同許氏謀死張氏但許氏因女行止不端一時忿怒  
頓起欲殺之念許氏慮已年老女流再三懇求王公甫幫助王公甫  
雖同行幫助原與王公甫無仇又復聽伊母主使該撫既將造意為  
首之許氏援

赦免罪應將王公甫改照威力主使他人毆打致死者以主使之人為首  
下首之人為從論減主使一等律杖一百流三千里許氏合依誣告  
人死罪未決者杖一百流三千里加徒役三年係婦人照律收贖該  
二犯俱事在

赦前應免罪奉

旨依議

捉姦殺死大功兄

康熙六十年七月刑部會看得蔣天行因姦致死大功兄蔣漢行并  
妻吳氏一案據江撫吳 疏稱蔣天行之妻吳氏與蔣漢行通姦康  
熙五十六年十月初三日夜漢行乘天行在外傭工往與吳氏姦宿  
直天行歸取蒲鞋叩門不應肩開進內目覩漢行與妻同寢一時忿  
激隨持杵柄毆漢行滾跌在地卽以拳擊吳氏適漢行大功兄蔣城  
大路過天行訴知情由城大怒其敗倫傷化亦用扁担毆漢行耳根  
等處并拳毆吳氏額角天行忿猶未釋復令城大相幫將漢行吳氏  
縛住拋入河中以致漢行吳氏立時殞命歷審情真將蔣天行擬以  
斬決其題查律內妻妾與人通姦而本夫于姦所親獲姦夫姦婦登  
時殺死者勿論姦夫已就拘執而毆殺或雖在姦所捉獲非登時而  
殺並須引夜無故入人家已就拘執而擅殺律但卑勿不得殺尊長



犯則依故殺伯叔母姑兄姊律科罪等語今蔣天行目覩漢行與妻同寢既經縛任應拏送官擅行細拋入河致斃蔣天行合依毆大功兄死者斬律擬斬立決脫逃之蔣城大獲日另結再該撫疏稱康熙四十年間有孫元文因小功服兄孫元引持刀強姦伊妻劉氏劉氏不允元引慎罪脫逃後孫元文途遇孫元引毆打致斃之案部覆將孫元文擬斬立決具題奉

旨孫元文改爲應斬監候秋後處決欽遵在案今蔣天行于姦所親獲姦夫潘婦較之孫元文途遇毆斃之案情更可矜相應題明聽部酌議等語查康熙四十年八月內江無未舉題孫元文因小功服兄孫元引強姦伊妻劉氏元文路遇元引毆斃一案將孫元文炤律擬斬立決具題奉

旨改爲監候係法外之仁並非著爲定例遵行應將該撫所請之處毋庸

議 又議得查律內凡妻妾與人通姦而本夫於姦所親獲姦夫姦婦登時殺死者勿論又條例內本夫拘執姦夫姦婦而毆殺者比照夜無故入人家已就拘執而擅殺至死律條科斷已就拘執而擅殺傷者減聞殺傷罪二等至死者杖一百徒三年等語又律內本夫之兄弟及有服親屬或同居人或應捕人皆許捉姦其婦人父母伯叔姑兄姊外祖父母捕姦殺傷姦夫者與本夫同但卑幼不得殺尊長犯則依故殺科罪等語此謂親屬捉姦與本夫不同其本夫在姦所拏獲律內並無殺死尊長依故殺罪科斷等語蔣漢行姦宿大功弟婦吳氏敗倫傷化兄弟之義已絕該撫不依本夫拘執律例科斷反照親屬捉姦卑幼不得殺尊長律擬斬立決又援引四十年間孫元文因小功服兄孫元引欲行強姦伊妻劉氏後元文途遇孫元引毆斃照故殺律擬斬立決奉



旨改斬監候之案聽部酌議具題不合查孫元引強姦劉氏並未成姦且  
遲至日久途遇毆斃並非姦所捉獲毆斃與此案情罪不符事關人  
命應令該撫再行確擬具題到日再議奉

旨着畫一議奏欽此臣部等衙門以事關定議條例應會同九卿詹事科  
道定議摺奏奉

旨依議欽此該本部會議得查律內凡妻妾與人通姦而本夫於姦所親  
獲姦夫姦婦登時殺死者勿論已就拘執而擅殺者減鬪殺罪二等  
至死者杖一百徒三年又本夫之兄弟及有服親屬或同居人或應  
捕人皆許捉姦其婦人之父母伯叔姑兄姊外祖父母捕姦殺傷姦  
夫者亦與本夫同但卑幼不得殺尊長犯則依故殺伯叔母姑兄姊  
律科斷等語本夫捉姦律內雖無卑幼不得殺尊長殺者亦勿論之  
語但蔣天行明知係伊大功兄蔣漢行不送官治罪擅行網縛拋河

致斃應將蔣天行改爲擬斬監候秋後處決餘仍照刑部原議可也  
奉

旨蔣天行依擬應斬着監候秋後處決餘依議



日觀功兄強姦妻氏怒毆致斃減等擬流

雍正十二年十二月九卿會議覆張世安毆死大功服兄張世德一案據安撫徐將張世安擬斬立決併聲明張世安之妻王氏被服兄張世德強拉求姦見而毆斃情實可矜援照俞昌文之妻汪氏被胞兄俞昭文強抱求姦將俞昭文砍死之案減等擬流具題經刑部等衙門議覆奉

旨九卿議奏欽此臣等會查張世德將大功服弟張世安之妻王氏強拉求姦王氏堅拒不從被伊毀衣裂膚及張世安聞喊趨入張世德猶敢撕扭不放是張世德立心淫惡立意強姦律應擬斬已犯內亂不赦之條張世安驟見忿激將張世德毆傷斃命實屬情有可原應將張世安照俞昌文之案免死減等僉妻流三千里至配所責四十板餘照刑部原議可也奉



旨依議

撞遇兇兒與妻行姦追至門外殺死擬杖援免

乾隆元年十月刑部咨據廣撫楊 咨稱陽春縣民王君爵與堂兄  
王君瑞之妻何氏通姦被王君瑞殺死一案緣王君瑞與王君爵係  
同堂兄弟同村居住王君瑞之妻何氏于雍正十三年六月二十八  
日向王君爵借錢一百文未償七月初三日王君瑞外出傭工王君  
爵至何氏家索錢何氏無錢償還王君爵見室內無人即向何氏調  
戲成姦十五日王君爵矚王君瑞外出復至何氏家行姦啓門而出  
適值王君瑞外歸詰問王君爵語言支飾王君瑞懷疑問之何氏含  
糊答應因無確據遂爾寢息迨至七月十八日新興縣天堂墟演戲  
王君瑞王君爵同往看畢歸至墟外王君瑞告以晚飯後往大壩村  
攬工王君爵即以欲買雨帽復轉回墟王君瑞歸家飯畢即往大壩  
村去王君爵知王君瑞外出定更時候潛入何氏室中復行姦畢穿



衣正欲下床歸家王君瑞因無人僱工而回推門入室見床上跳下  
一人王君瑞知是姦夫向前捕捉被王君爵掙脫出門王君瑞即取  
桌上削蔗尖刀追出門外月光之下認係王君爵趕至隣居簡維芳  
門首追及王君爵回頭奪刀王君瑞以刀砍傷王君爵顛門王君爵  
復欲奪刀王君瑞情急又砍王君爵頂心倒地殞命時簡維芳開  
門出視驚問情由王君瑞告以實情并免簡維芳帮同移屍簡維芳  
不允王君瑞再囚央懇并許謝錢二百文簡維芳應允王君瑞解自  
已袴帶縛屍兩手又解王君爵腰帶縛屍兩脚二人抬至新興縣屬  
獅子岡地方丟棄而歸王君瑞至家欲殺何氏何氏跪求饒命王君  
瑞踢何氏兩脚而止次早屍父王立統聞知獅子岡有死屍往看見  
係伊子王君爵顛門頂心各有刀傷投明練保麥朝振等具報屢審  
不諱將王君瑞簡維芳擬杖何氏擬徒收贖入官爲奴各犯事在雍

二十三年九月初三日

思赦以前應請援免等因咨達前來應如該撫所擬王君瑞合依姦夫已  
離姦所本夫登時逐出門外殺之止依不應例杖八十簡維芳合依  
移屍爲從律杖七十何氏合依姦總麻以上親之妻律杖一百徒三  
年係婦人決杖一百餘罪收贖事在

赦前俱應免罪免贖仍將何氏給與王君瑞聽其去留可也合咨前去查  
照施行



姦夫奔脫趕至大門扭回毆死問徒

康熙三十九年 月刑部看得沈劉煥因姦毆死大功弟沈厲一案  
 據署江撫傅 審擬徒杖具題查沈劉煥因伊弟沈厲先于康熙二  
 十七年四月十八日夜與伊妻張氏通姦撞遇沈厲咬傷劉煥大指  
 砍傷頭顱控縣沈厲脫逃未結後于十一月十二日劉煥往鄉收租  
 沈厲復入張氏臥室行姦適劉煥回家檢取賬簿撞遇被沈厲掙脫  
 劉煥趕至大門扭回同王明毆沈厲偏右腰背等處當日殞命歷審  
 情真查律內姦夫已就拘執而毆殺引夜無故入人家而擅殺至死  
 律杖一百徒三年等語沈劉煥應徒三年至配所杖一百折責四十  
 板王明合依應加餘人律減杖二等律杖一百折責三十五  
 板張氏合依姦總麻以上親律杖一百徒三年決杖一百餘罪收贖

奉

刑部

人命

二十三

殺死姦夫



旨依議

卷十九

卷十九

因姦燒死鼻幼之婦

康熙四十年四月刑部據江撫宋犖疏李士俊係李國相小功服叔國相之妻俞氏向與狄五傳二通姦狄五傳二知國相他出同至氏家士俊輒加揪扭且喊捉姦李中行李舜生聞聲趨至狄五傳二奔逸士俊倡議燒房舜生抱薪縱火俞氏抱女朝姐衝焰奔出被傷頭面以致俞氏朝姐殞命除李舜生病故不議外李士俊合依凡總麻尊長毆傷鼻幼之婦至死者絞監候律擬絞李中行依餘人律鞭一百狄五傳二依軍民人等與相等人壽通姦例枷號一個月責四十六板



因姦毆死小功兄

康熙四十年十一月刑部會看得孫元文毆死小功服兄孫元引一案據江撫宋犖審擬斬罪具題查孫元引弟孫元文之妻劉氏姦美元引乘元文外出入室強姦劉氏不允元引又持刀逼姦劉氏喊叫元文之父孫晉太聽見前去奪刀控縣元引畏罪脫逃于康熙四十年正月十六日元文撞遇元引兩相爭扭元文卽取木屐毆元引胸膺後肋越宿殞命歷審情真先依律擬斬立決後又議得孫元文毆死小功服兄一案臣等伏查宋史刑法志宣州葉元有同居兄亂其妻縊殺之又殺兄子強其父與嫂罷訟隣里發其事州爲上請宋神宗曰罪人已死叛亂之事特出葉元之口不足以定罪且下民無知固宜哀矜然以妻子之愛旣罔其父又殺其兄戕其姪宜以毆其兄致死律論今孫元文情罪畧同但元引乘元文外出強姦弟婦不遂



復持刀以往元文之父及同族人等奪刀控縣貯庫元引畏罪脫逃  
 姦亂有據非出自元文之口也且葉元既殺其兄又罔其父殺其姪  
 亦已大甚孫元文毆死元引服制雖曰小功而元引持刀強姦弟婦  
 兄弟之義已絕况倉卒撞遇兩相爭扭止以木屐擊傷致死原無欲  
 殺之心臣等愚昧未敢定議伏祈

皇上特賜睿裁奉

旨孫元文改為應斬着監候秋後處決

因強奸親嫂毆死小功弟免死減流本婦揉瞎二目伊子忿恨那

毆均免罪

康熙五十三年 月九卿會議郭自良毆死小功服弟郭自起一案  
 據直撫趙 審擬絞流徒罪具題經刑部等會議覆將郭自良依本  
 宗尊長毆小功卑幼至死律擬絞監候秋後處決郭保在照卑幼毆  
 本宗總麻尊屬律杖六十徒一年王氏依瞎人二目律杖一百流三  
 千里康熙五十三年二月初一日奉

旨現審人犯罪不至死者亦着減等發落郭保在應減一等杖一百責四  
 十板王氏應減一等杖一百徒三年係婦人照例收贖等因具題奉  
 旨九卿詹事科道三法司會同再行確議具奏欽此欽遵查郭自良之嫂  
 王氏曾欠郭自起棉花高糧等錢未償自起窺氏獨處輒起淫念借  
 言索錢入室求姦氏不允從叫喊當被張氏往看自起始倉皇奔逸



後自起復往氏處賠禮伊子郭保住喊叫自良聞聲而入拾棍毆傷自起頂心等處自起越五日殞命郭自起先往伊族嫂王氏家內強姦繼又乘夜深之時潛至氏家又許銀錢賠禮看此明係借賠禮為名計圖惑亂氏心仍行姦騙自良因伊親嫂被辱忿恨毆打致死情有可原郭自良應免死減等杖一百流三千里至配所折責四十板仍向郭自良名下追埋葬銀四十兩給付死者之家王氏被郭自起欲行強姦醜聲昭著合族盡知因懷羞忿灰揉自起兩目棍毆其腿郭保住因伊母被辱忿恨不甘持棍帮打自起脚腕等處以洩其忿王氏郭保住均免罪奉

旨依議

妻與族叔行姦立時殺死

雍正十一年 月刑部會議覆薊州人犯劉朝曾與侄婦傅氏通姦被伊夫劉進孝拏獲砍傷傅氏身死一案據直督李 疏稱劉朝曾奸小功服姪之妻是叔侄名義已絕除犯奸輕罪不議外將劉朝曾照例擬絞監候劉進孝擬杖等因具題應如所題劉朝曾除犯奸輕罪不議外合依本夫于奸所獲奸將奸婦毆死奸夫被獲到官審明奸情是寔奸夫供認不諱例擬絞監候秋後處決劉進孝合依本夫于奸所獲奸將奸婦毆死杖八十該督既稱業經照例折責先行發落等語應無庸議奉

旨依議



見功弟與義弟之妻行姦砍刺多傷致死似有姘姦情事

乾隆六年六月刑部會議覆程採捉姦砍死小功服弟程栢一案據東撫朱 疏稱緣程採有義弟程來偕妻王氏同居度日乾隆五年七月初十日早程栢王氏行姦甫畢被程採撞遇喝散至八月十七日夜程栢潛入王氏室內奸宿程採聞門响起視持叉搜斧至王氏臥房於月光中望見程栢王氏同睡坑上用叉刺傷程栢左脇額角太陽等處復用斧連砍頂心顙門偏右臙腦後髮際耳根等處斃命審認不諱將程採擬絞監候王氏擬以枷責併聲明程採之母于氏年逾八旬家無次丁援例請留養等因具題查王氏係程採義弟程來之妻程栢乃程採小功服弟分誼輕重懸殊程採因見程栢奸伊義弟程來之妻王氏忿激捉奸既用叉傷左脇等處何難捕獲且程栢並未對敵何得又用斧連砍頂心等處慘殺斃命再查程採既



先經撞遇程栢與王氏有奸何故一月有餘並不告知伊夫程來迨  
當場殺死程栢之後程來聞知欲殺王氏程採何故又行攔阻細察  
案情不無妬姦殺死情事不得據該犯供稱家有妻妾一語卽爲開  
脫率結應令該撫再加確審按律妥擬具題到日再議奉  
刑部駁甚是依議

受叔撫養忘恩上蒸服孀叔乃誘殺不應依謀殺論代爲設計  
人致斃亦不應以加功科罪

雍正十一年十一月刑部會議覆安撫徐 題李其忠李萬祥因姦  
謀死李之福將李其忠等擬以斬絞金氏擬徒收贖一案查該撫疏  
稱李其忠撞遇李之福與伊妻金氏行姦因李之福力強不敢捉拿  
密與李萬祥商量李萬祥起妬姦之心卽爲設計誘李之福至家賭  
博致斃等語是妬奸而代爲設謀者李萬祥至李其忠一犯係李之  
福總麻服叔因李之福幼無父母撫養二十餘年分雖叔姪情同父  
子李之福不知感恩輒敢與孀母通姦其忠兩次撞遇誘而殺之卽  
係凡人亦止與聞姦追殺之例相符不得以謀殺論况有撫養深恩  
更與凡人不同該撫將李其忠擬以謀殺爲首李萬祥擬以加功爲  
從情罪均未允協應令該撫各按實情妥擬具題到日再議奉



旨依議

詞在尊長殺死姦夫姦婦

康熙三十三年四月刑部覆張繼祖毆死僧人鍾亮勒死蘇氏一案  
查律內本夫之兄弟及有服親屬皆許捉姦但卑幼不得殺尊長犯  
則依故殺律尊長殺卑幼照服制輕重科罪等語今將張繼祖照服  
制按律擬絞但繼祖並非私仇勒死蘇氏且繼祖又係應捉姦尊長  
因蘇氏與鍾亮行姦登時殺死情有可原應將張繼祖免死僉妻流  
三千里至配所折責四十板為首之張繼祖既經減等為從之張昭  
亦應減一等徒三年責四十板奉

旨依議



強姦服孀被殺

康熙二十六年 月刑部議東撫錢監題查律內故殺者斬珏候等語王玉清將王德新故殺應照律治罪但玉清之母辛氏係德新從堂孀母辛氏孀居德新強拉行姦氏堅不從嚷罵玉清趕集撞遇德新殺死卽赴縣首報雖律無可寬而其欲爲孀母表節自行首報情有可矜玉清應改爲免死減等杖流但玉清發遣則其母無人養膳應枷號兩個月責四十板留養奉

旨依議



捕姦帮同勒死總麻尊長照例滅流及姦無服姪婦以致族兄勒  
死子媳兩命比例擬絞

乾隆元年四月刑部會議得祁州民王一升率領王一坤等捕姦勒  
死子王七媳玉氏一案據直督李 疏稱緣王七與無服族叔王六  
同村居住王七素性遊惰不務生業伊妻玉氏又屬不端經父王一  
升分開另住雍正十一年十月二十七日王七因貧難度其妻玉氏  
赴王六家借貸錢米王六輒起淫念誘留姦宿次日送給玉氏錢米  
回家自此往來無忌王七利其所有甘心縱容迨雍正十二年三月  
丙王六又送玉氏小菜回去出門之時被一升看見即疑玉氏不端  
告知伊弟王一坤並子王進龍王進鳳曾孫王捫子等留心捉拏王  
六聞風歛避至四月初四日王七趕集外出玉氏又約王六於是夜  
赴氏家內姦宿被王一升暗中窺見急邀王一坤等往拏推門入室



王六見而欲遁王捫子卽持棍連毆王六左腿左膝胛骨折倒地王進龍王進鳳王一坤分執棒槌磚塊攢毆王六左腳腕左腿等處王六受傷昏暈王一升疑其已死令王進龍拖出門外王一升又惡王氏玷辱家風起意處死勒令王進龍王進鳳王捫子分擎左右胳膊兩腿自解所掛麻繩套入王氏頸上逼令王一坤幫同勒死未幾伊子王七回家王一升罵其賣奸無耻王七出言頂觸復向頭撞王一升忿怒喝令王進龍等動手勒死王一坤等再四勸阻王一升輒自撞搥王進龍王進鳳無奈將王七拉倒按住兩腿王七用手向父招架王一升使王捫子幫擎王捫子不從王一升卽持棍毆打王捫子因伊曾祖盛怒不敢違拗按住王七兩手王一升取繩套入王七頸中抽勒遲久未殞又逼進龍進鳳動手勒斃使王進龍等往喚王六之兄王天錫到家訴知前情王天錫以釁由伊弟姦淫所致不欲鳴

官遂邀王進龍王進鳳幫助將王六抬回救活被打各傷後皆平復惟左腿骨折已成廢疾其王七王氏夫婦身屍當夜令王一坤等抬往村外掩埋次日地方王一貴聞知赴州稟報王一升等復遣王進龍攔回王天錫亦不願具控寢息嗣據該州訪聞報驗屢審供認不諱查王七王氏甘心賣姦現經當場就獲以致伊父忿不能堪卽時起意處死王捫子係王七王氏小功姪孫敢於幫擎手足本律原無首從之分王捫子應依律擬斬立決照例先行刺字王六勾引無服姪婦王氏通姦恃有本夫縱容往來無忌致王一升勒死子媳兩命王六應照例擬絞監候刺字王一坤聽從伊兄王一升勒死親姪之妻王進龍王進鳳分擎王氏胳膊亦由伊父逼勒所至均應依律擬流王一坤年逾七十照例收贖王一升已經病故應毋庸議地保王一貴馬良金旣知因姦勒死二命聽從王一升攔阻不報王天錫扶




同教令地保隱匿均應照律擬杖但王六等俱事犯在雍正十三年九月初三日

恩赦以前均應援免王捫子係干犯幫殺總麻以上尊長定例不准援宥相應聲明再王捫子幫擊王氏由伊曾祖逼勒其擊王七兩手亦係被伊曾祖持棍毆打逼令動手與聽從他人加功之犯有間合併陳明恭候

聖鑒等因具題除王一升解審後保領回家病故不議外應如該督所題王捫子合依謀殺總麻以上尊長已殺律擬斬立決查王捫子幫擊手足均伊曾祖王一升欲處死子媳逼勒所致而王一升實因子王七縱妻王氏賣姦將王六打傷疑為已死拖出門外將王七王氏處以家法致死旋喚王六之兄王天錫到家訴知前情王天錫亦以釁由伊起姦淫無服姪婦不欲鳴官是捉姦致死實屬族人之憤查例

內族中人果有不法奸宄之人事起一時合族共憤不及鳴官處以家法致死該地方官審明死者罪不至死但其素行為通族之所共惡照應得之罪減一等等語王捫子照此例流三千里至配所杖一百折責四十板其事在

恩赦以前應免罪再查定例內本夫於姦所獲姦一時氣忿將姦婦毆死姦夫被獲到官審明姦情是實供認不諱者將姦夫擬絞監候等語王六勾引無服姪婦王氏通姦以致王一升勒死于媳兩命律例並無治罪正條應比依此例擬絞監候秋後處決王一坤合依期親尊長故殺卑幼之婦亦絞律為從減一等流三千里王進龍王進鳳除聽從勒死親弟輕罪不議外其擊王氏胎膊亦由伊父勒逼所致俱合依故殺弟妻者斬律為從減一等流三千里至配所杖一百各折責四十板地保王一貴馬良金均照地界內有死人不報官司而





埋藏律杖八十王天錫應照不應重律杖八十各折責三十板王一  
貴馬良金仍革役事犯亦均在

赦前相應援免奉

旨依議

女姦婦入官

康熙三十二年八月刑部准偏撫王樞咨陳侯度無服族弟陳帝選  
與伊妻譚氏通姦帝選乘侯度他出與譚氏同枕侯度歸家聞帝選  
在室一時忿激持刀將帝選於姦所亂砍仆地伊父陳景星聞喊扶  
歸殞命譚氏脫逃未及同刃陳侯度應照律勿論譚氏擬杖入官為  
奴等因查律內凡妻妾與人通姦而本夫於姦所親獲姦夫姦婦登  
時殺死者勿論若止殺姦夫者姦婦斷罪入官為奴等語陳侯度應  
無庸議譚氏合依姦同宗無服之親律杖一百解部入官為奴陳景  
星諱姦為仇應依律擬罪但伊子已經被殺身死應免罪奉

旨知道丁



不應捉姦之人捉姦將姦夫姦婦致死照故殺律擬罪

康熙三十三年 月刑部覆江撫宋學題徐繼生溺死無服族叔徐俊無服族嫂堵氏一案查堵氏寡居與徐俊通姦康熙三十二年五月初七日夜徐俊至堵氏家被徐仁侯看見報知徐繼生之父徐敘敘即倡謀率領繼生等往捉徐俊知風逸出當被繼生擒毆并將堵氏捉住細縛推入河內殞命歷審情真徐繼生合依故殺律擬斬監候倡謀之徐敘合依元謀律滿流徐敘係徐俊堵氏無服尊長照律減一等杖一百徒三年附和細縛之徐肇昌助毆之徐小狗報信之徐仁侯俱依餘人律杖一百徐肇昌徐小狗俱係徐俊堵氏無服卑幼應照律加一等杖六十徒一年奉

旨依議



圖姦族中弟婦自知理虧反誣弟婦偷承致相爭毆受傷身死

乾隆七年六月刑部會議覆平南縣民黎天瑞因妻覃氏被無服族  
兄黎邦玉拉姦未成將黎邦玉毆傷身死一案據廣撫楊疏稱緣  
乾隆六年九月十九日黎天瑞之妻覃氏往別村探親途遇黎邦玉  
欺其孤身行走上前強拉圖姦覃氏不從掙脫奔回告知黎天瑞黎  
天瑞卽鳴族衆黎宏熙黎達宗等理論黎邦玉色阻詞窮始猶勉強  
支飾因被覃氏覲面質証反誣覃氏偷伊田承覃氏氣忿抓住黎邦  
玉欲與鳴神致抓傷黎邦玉左肋黎邦玉不肯同往用拳向毆覃氏  
黎天瑞情急救護拳毆黎邦玉右眼胞連腮腋黎邦玉向黎天瑞還  
毆黎天瑞用左手格開見黎邦玉又用拳向打黎天瑞忙將右手抵  
搪中傷黎邦玉右乳旁經黎宏熙等勸散黎邦玉傷重次日殞命屢  
審不諱將黎天瑞擬絞監候等因具題查該撫疏稱強姦不從本夫



後因理論將奸夫殺死律無明文黎天瑞應比照奸夫已離姦所本夫追殺非登時依不拒捕而殺以聞殺論擬絞監候等語查本夫追殺奸夫非登時以聞殺論者係指男女和奸姦夫畏避者而言今黎邦玉強拉黎天瑞之妻覃氏圖奸因覃氏掙脫未成既與男女和奸者不同而黎天瑞邀眾理論之時黎邦玉反誣覃氏竊禾復因覃氏抓住遂用拳毆且于黎天瑞救護之際並向毆打又非不拒捕者可比在黎天瑞既忿黎邦玉圖奸其妻又目擊其妻被毆始毆黎邦玉不致命右脰一拳亦屬情理之常至因黎邦玉連毆將手抵塘致傷其致命右乳旁並非有心向毆究不得以追殺奸夫論若將黎天瑞遽擬絞抵殊覺情輕法重而律例內又實無強奸不從本夫後因理論毆死奸夫正條查大學士張 條奏律例無可引用或加一等或減一等於流內殺明恭候

諭旨遵行今黎天瑞事犯情由已據眾証明確不應如該撫所題照不拒捕而殺以聞殺論擬絞監候應改照不拒捕而殺絞罪上減一等杖一百流三千里仍遵例殺明請

旨定奪該撫既稱覃氏因黎邦玉強奸復又被誣偷禾因而忿激抓住鳴神致悞傷黎邦玉左肋非毆所致情有可原應免置議等語應如該撫所題完結奉

旨依議



因族人姦汚弟婦弟出不歸致母憂成病懷恨率同弟姪毆死

姦夫

雍正七年 月刑部會議覆平遠縣民沈自賓等毆傷無服姪孫沈  
日傳細縛擡埋一案據署廣撫傳 疏稱緣沈自賓有胞弟沈自全  
久往臺灣遺妻劉氏在家與沈日傳通姦有孕沈自賓之母鄭氏知  
覺未悉姦自何人雍正六年三月十五日沈日傳復與劉氏行姦為  
鄭氏目擊忿怒愈加卽令沈自賓投鳴族眾并令伊孫沈紹襄代寫  
休書遂去劉氏而沈日傳之父沈紹瓊亦見眾論難逃當眾寫單將  
沈日傳逐出嗣因沈自全回家知妻因姦被母逐去亦復含羞遠出  
一去不返鄭氏見媳逐子去悲思成病沈自賓目覩母病起自沈日  
傳懷恨已非一日雍正七年三月十五日沈日傳潛回父家沈自賓  
查知卽於十六日着弟沈自品投請族長沈紹唐等齊集沈紹瓊家



督令將沈曰傳立限趕逐不許再回沈自賓觸起前恨起意殺害卽令沈自品往扭沈曰傳出至門外沈自品先用柴棍向打沈曰傳右手肱沈自賓接棍連打沈曰傳右手肱腰眼復用棍頭撞其脊背沈曰傳仆地氣絕沈自賓復欲擡埋取繩網縛曰傳手足喚令子姪沈紹襄沈紹科扛至坑邊沈自品鋤坎沈紹襄沈紹科見沈曰傳稍甦勸令弗埋沈自賓不聽卽推沈曰傳下坎沈自品鋤土掩埋沈紹唐等在沈紹瓊家廳堂議立限約房屋遠隔迨聞知出救業已不及歷審各認不諱據署理按察司黃文煒以沈自賓沈自品係沈曰傳無服叔祖應同凡論將沈自賓依謀殺人造意律斬沈自品依加功律絞沈紹襄沈紹科雖未助斃但沈曰傳氣猶未絕擡往掩埋亦應照加功律絞姦婦劉氏照和姦例枷號一個月杖一百折責四十四板等由又引兇悍不法偷竊奸宄之人閤族公憤處以家法致死將

爲首者照應得之罪減一等免其擬抵之例招解前來臣隨親加研審其情罪與縣府司審無異臣細核供情沈曰傳之敗倫行姦沈自賓之因姦而殺俱已確鑿不爽並非別有私怨造意謀殺可比今將沈自賓等竟照謀殺律分別造意加功擬以斬絞雖按律定罪原難寬假但因殺一敗倫之卑幼竟以尊長四命抵償揆情準理有不得不爲置議者臣再三參酌若照謀殺律似覺法重情輕若照閤族公憤之例則係沈自賓一人起意又覺情節未符查殺奸條例奸夫奔走良久或趕至中途或聞奸次日追而殺之並依故殺等語沈自賓致死沈曰傳去敗奸之日雖久而觸恨起意情同一轍可否將沈自賓一犯比照此例依故殺律擬斬監候仍照例刺字聽從加功之沈自品雖故殺律無首從但起意之沈自賓既照故殺擬斬沈自品一犯可否比照同謀共毆人執持兇器亦有致命傷痕者發邊衛克軍



例僉妻發遣沈紹襄沈紹科係事後聽父叔主使扛擡後見沈曰傳  
稍甦卽行勸阻既未同謀又未助毆加功併擬縲抵更屬可原但不  
合聽從扛擡請照不應重律杖八十折責三十板劉氏照和奸例枷  
號一個月杖一百折責四十板如此定擬庶殺人充犯固不使之倖  
免而敗倫淫惡亦不至於長奸于法無所枉縱于情理似覺平允等  
因具題應如該撫所題沈自賓應照故殺律擬斬監候秋後處決仍  
照例刺字沈自品應照同謀共毆人執持兇器亦有致命傷痕律僉  
妻發邊衛充軍至配所杖一百折責四十板至沈紹襄沈紹科係事  
後聽從父叔主使扛擡後見沈曰傳稍甦卽行勸阻既未同謀又未  
助毆加功不應如該撫所題擬以重杖查律內一家人共犯罪坐尊  
長沈自賓已經擬斬沈自品已經擬軍沈紹襄沈紹科均免議罪劉  
氏應照通奸例枷號一個月責四十板時遇熱審減一等枷號二十

五日責三十五板奉

旨沈自賓依擬應斬着監候秋後處決餘依議



世毆人致死所傷皆非致命輕重相等仍以先下手者擬抵因強姦伊妻而起比依罪人不拒捕而擅殺律擬絞援免

乾隆元年十一月刑部會議得開州民趙樞等毆扎趙三身死一案據直督李 疏稱趙樞本宗姓李因伊故父李之祥出繼趙三親叔趙祿爲子是以改姓趙氏趙樞與趙三夥同牛驢種地素無仇隙雍正十三年四月初五日趙樞外出力作趙三前往拉牛使用見趙樞家內無人輒將其妻張氏按炕求姦張氏喊拒不從值趙樞之弟趙二小自外回家看見奔告伊兄趙三始行逃逸尚未成姦迨趙樞回家張氏訴知前情趙樞卽往告知親叔李起及伊堂弟李麻子同往尋毆趙三躲避而止至閏四月二十三日傍晚時分趙樞在地力作見趙三持鎌在彼牧牛趙樞卽向理論趙三猶不自知其非出言僞強趙樞氣忿用鎌砍傷趙三左腮腴趙三仆地欲行扒起趙樞揪其




髮辮按住在地趙三用鎌欲砍兩人正在相持適李起帶鉄尺赴地  
看李麻子自地荷鋤回家路過看見李麻子即奪趙三鎌刀割傷  
趙三右手手指李起亦用鉄尺毆打趙三兩膝左右胎肘等處而  
散趙三傷重延至二十五日殞命屢審不諱查趙樞等三人毆打各  
傷皆非致命輕重亦畧相等應以先下手之趙樞擬絞但其事由趙  
三強姦伊妻而起又與平常其毆人命有間將趙樞比依罪人不拒  
捕而擅殺律擬絞監候李麻子俱擬杖均援

赦免罪等因具題應如該督所題趙樞合比依罪人不拒捕而擅殺者以  
鬪殺論律擬絞監候秋後處決李起李麻子幫助毆打俱無致命重  
傷均合依餘人律杖一百遇熱審減一等杖九十恭逢

恩赦相應援免仍照例向趙樞名下追埋葬銀二十兩給付屍親收領奉  
旨依議

姦所捉姦殺死姦夫姦婦比律擬徒

雍正五年 月刑部議覆建水州夷民普易致死楊小四龍氏一案  
據雲督楊 疏稱普易之妻龍氏于未嫁之先即與楊小四通姦雍  
正四年二月二十八日楊小四復往普易家勾引龍氏龍氏乘夫普  
易往普小大家飲酒未歸私同楊小四奔至大冲茅窩內姦宿普易  
歸家不見其妻仍回至普小大家拉同普天柱普小六普小東木長  
壽普五斤共六人乘夜尋至大冲坡聞箐內有人語聲普易即潛行  
竊聽知為龍氏聲音普易即回至大冲坡令普小六等四人在路守  
禦令普天柱執火把普易執棍同至姦所楊小四見有火光驚起普  
易拾石塊擊傷楊小四頭顱倒地普易便執棍連擊楊小四腰脇龍  
氏欲避普易揪執其髮又棍擊其腦後腰脇龍氏倒地普易復令普  
天柱將細籐細縛楊小四龍氏兩手腕即同普天柱等四人扶掖楊





小四龍氏前行至棠梨樹下楊小四龍氏俱皆殞命普易等各皆分  
 竄屍父楊正理等報該巡檢轉報建水州知州魏鴻奕該州不行相  
 驗擅准楊正理等攔息將屍燒化隱匿不報差役龍得正得銀一兩  
 後經臨安府查訪揭叅將普易等審擬徒杖具題除建水州知州魏  
 失察衙役犯贓隱匿人命已經該撫列叅革職應于彼案從重另  
 結外普易合依本夫拘執姦夫姦婦而毆殺者比照夜無故入人家  
 已就拘執而擅殺律杖一百徒三年係夷人照苗民例枷號四十二  
 責四十板聽從普易指使縛手之普天柱合依餘人律杖一百責四  
 十板不行勸阻之普小六普五斤普小東木長壽均合依不應重律  
 杖八十得銀一兩之龍得正合依枉法贓一兩至五兩杖八十無祿  
 人減一等律杖七十杖罪照例先行折責發落贓匪追入官奉

自依議

姦夫姦婦白日同睡樹下被本夫同人殺死并嫂不在長列焚燬  
 嫂屍以凡論

乾隆九年正月刑部議覆廣撫王咨稱靈山縣民鄭廷識等捉姦  
 殺死楊振傑陸氏二命鄭敖山主使焚屍一案緣鄭廷識之妻陸氏  
 當在室時先與楊振傑有姦及嫁歸鄭廷識始風聞其醜再  
 三查問陸氏堅稱無其事鄭廷識時為防閑查訪至乾隆六年十  
 一月二十二日陸氏歸寧途遇楊振傑被楊振傑誘至平天田山凹  
 姦宿二十三日鄭廷識大功服弟鄭如嵩趁墟路過望見楊振傑與  
 陸氏並肩坐于山凹歸告伊父鄭敖山鄭敖山轉告鄭廷識令其往  
 捉送定鄭廷識應允鄭敖山喚同堂弟鄭國芳鄭道顯鄭國儒及子  
 姪一共六人偕往捉姦鄭如嵩攜帶銜嘴木槍鄭道顯鄭廷識各帶  
 木棍前至平天田不見楊振傑陸氏復尋至那扶嶺見楊振傑與陸



氏在樹下並頭而臥同食落花生鄭廷識等齊聲喊捉楊振傑起身欲道鄭道顯先用木棍毆傷楊振傑右手腕鄭廷識亦用木棍毆傷楊振傑右耳根楊振傑欲從鄭如嵩身旁逃逸鄭如嵩舉槍戳傷楊振傑肚腹之右倒地立斃陸氏畏懼跪地求饒鄭廷識盤問陸氏自認素與楊振傑有姦今因途遇又被誘騙姦宿鄭廷識氣忿舉棍欲毆鄭國儒因楊振傑已死恐又致死陸氏遂往奪棍丟棄鄭廷識復奪鄭如嵩木槍戳傷陸氏右肋殞命鄭敖山令鄭廷識割取首級首報鄭廷識以無刀中止鄭敖山復令懸吊二屍以為姦淫榜樣鄭廷識即解陸氏纏腰布帶并己身腰帶同鄭道顯鄭如嵩將二屍對面捆縛懸吊樹上而散次日鄭廷識報知陸氏之父陸道旺陸道旺懷慚不理楊振傑之妻廖氏風聞往視見夫屍有傷歸訴夫兄楊亞定楊亞定轉告總長廖日隆均欲控告鄭廷識以殺姦無罪置焉不問

鄭敖山誠恐拖累即給楊亞定銀五兩廖日隆銀五錢均允諾報至十二月初九日鄭敖山因兩屍懸吊日久起意焚燒隨率鄭廷識鄭道顯鄭如嵩將陸氏楊振傑身屍燒化餘骨混分兩堆埋於樹下廖氏因楊亞定不與控究隨赴縣具呈拘訊各犯供認前情不諱查律載妻妾與人通姦而本夫於姦所親獲姦夫姦婦登時殺死者勿論又例載本夫之兄弟及有服親屬皆許捉姦如有登時殺傷者並依已就拘執而擅殺傷律論又律載殘毀他人死屍者杖一百流三千里毀棄總麻以上卑幼死屍各依凡人毀棄依服制遞減一等各等語今楊振傑與陸氏並非夫妻陸氏告夫歸寧至次日仍在那扶嶺與楊振傑同臥樹下其時雖未值行姦而通姦情事已有灼據鄭敖山率同鄭道顯等捉姦鄭道顯鄭如嵩鄭廷識毆戳姦夫姦婦致死是與姦所親獲登時殺傷者同至焚燒楊振傑陸氏二屍係鄭敖山



起意鄭道顯鄭廷識鄭如嵩聽從舉行查鄭敖山係鄭廷識親叔除幫同捉姦並未傷人并焚燒大功服姪婦死屍及賄囑屍親匿報各輕罪不議外其焚燒楊振傑身屍合依殘毀他人死屍杖流律流三千里至配所杖一百折責四十板有妻王氏兩目俱瞽據供不願同僉鄭道顯除捉姦毆傷姦夫及焚燒總麻服姪婦死屍爲從各輕罪鄭廷識除登時殺傷姦夫姦婦勿論及焚燒妻屍爲從輕罪均不議外均合依殘毀他人死屍爲從減一等律杖一百徒三年至配所各折責四十板陸氏係鄭如嵩總麻服嫂嫂不在長列其焚燒嫂屍應同凡論查焚燒楊振傑陸氏兩屍爲從與捉姦殺死姦夫罪各相等應從一科斷鄭如嵩合依本夫有服親屬捉姦登時殺死者僉依已就拘執而擅殺律杖一百徒三年至配所折責四十板均俟限滿日逋回原籍安插屍兄楊亞定受賄匿報應照卑幼被殺尊長私和律

依服制減等但律註云私和就各該抵命者言今楊振傑與陸氏通姦被本夫親屬殺死並非應抵之命未便以私和定擬至廖氏呈控止及楊亞定匿報並未將楊亞定受財一并首明亦未便以親屬告言減免楊亞定合依卑幼被殺尊長受財計贓准竊盜論律一兩之上杖七十折責二十五板練長廖日隆雖經匿報然未移屍埋藏致遭殘毀但既不報官又復受賄殊屬不合廖日隆除計贓輕罪不議外合依不應重律杖八十折責二十板革去練長鄭國芳鄭國儒亦係鄭廷識小功服叔但止幫同捉姦並未傷人亦未隨同燒屍且律得容隱應與屍親陸道旺廖氏均毋庸議擬合咨達等因前來鄭敖山等均應如該撫所議完結仍令該撫照例於歲底彙題可也



見姦夫姦婦對立談笑追至中途殺死姦夫回家并殺姦婦

雍正十年閏五月刑部會議覆福撫趙 咨稱汀州鎮標兵丁吳偉  
殺死馬三哩同妻胡氏一案緣吳偉調戍臺灣期限三年遺妻胡氏  
在家與賣油之馬三哩通姦往來日久鄉鄰余氏等咸共見聞因胡  
氏悍潑未敢阻捉嗣吳偉于雍正九年六月初八日回家聞知物議  
紛紛遂起捉姦之念迨七月初十日吳偉又調汎武平欲挈妻同往  
適初九日胡氏之弟胡得應往看吳偉同往廳堂說話馬三哩挑油  
到吳偉家叫賣吳偉答以不欲買油馬三哩退出旋至余氏家呼喚  
買油胡氏在內聽見假持簸箕送還余氏在余氏家與馬三哩對面  
笑談吳偉見胡氏良久未歸前至余氏之家窺見一時媿忿奔回持  
刀趕赴意欲于姦所捉殺不料馬三哩聞風走避正出余氏門首與  
吳偉撞遇吳偉將刀向砍馬三哩以手擔格傷及手心馬三哩負痛



奔至馬屋橋頭失足跌倒吳偉追至用刀砍其咽喉身死吳偉復到  
余氏家尋胡氏不見趕回家中胡氏正掩房門吳偉趕上胡氏之弟  
胡得應攔阻不允吳偉走進房內用刀砍傷胡氏咽喉殞命查馬三  
哩與胡氏通姦無忌親隣俱已週知且是日又在余氏家聚首言歡  
其為姦夫姦婦無疑但吳偉捉殺非在姦所乃係追至中途吳偉應  
比照夜無以入人家已就拘執而擅殺律徒三年至配所杖一百折  
責四十板余氏審無窩姦情事應與無干之胡得應均行省釋至吳  
偉所殺馬三哩胡氏實係姦夫姦婦該營並無鈐束不繫之處所有  
職名相應邀免等因咨達前來據此應如該撫所擬完結可也

致傷姦夫姦婦經父砍死因勒死姦婦以圖抵賴

雍正九年四月刑部會議覆東撫岳 疏稱朝城縣民吳應書子吳  
景春素與程張秋之妻趙氏通姦雍正七年九月十四晚吳景春乘  
程張秋傭工外出入趙氏室內被張秋族弟程秉恒窺見告知程加  
春將門扣住往邀張秋從堂兄程加進程加福同拿景春知覺掇門  
逃遁張秋族姪程奉君素與景春父子有嫌卽令程秉恒尋回張秋  
又率領加進加福偕赴吳應書家尋毆應書躲避加進將吳景春拉  
倒用木槓空傷左眼胞加福用脚踢傷肚腹而散吳應書恨子不肖  
隨持菜刀砍傷景春腦後食氣額等處身死程奉君恐訟難必勝卽  
喚張秋加進加福商謀勒死趙氏假作自縊以圖抵賴張秋等允從  
程張秋用繩套住趙氏之頸拉倒在地程加福按腰程加進扯腿勒  
至將斃懸梁殞命伴作毛書秀將勒死報為自縊歷審不諱將程奉



君等擬以斬絞流徒等因具題應如所題程奉君合依謀殺人造意律擬斬監候程加福程加進俱合依謀殺人從而加功律擬絞監候仍但刺字程張秋應依故殺妻律擬絞但係聽程奉君而行照故殺為從減等律流三千里至配所折責四十板砍死伊子之吳應書應照故殺子孫律徒一年至配所折責二十板起釁之程秉恒照不應重律杖八十將勒死報為自縊之作作毛書秀照檢驗不實律杖八十各折責三十板先行發落毋庸議脫逃之程加春獲日另結朝城縣知縣鄭家任初雖未經驗確今已自行審出實情應免議處奉旨程奉君依擬應斬程加進程加福俱依擬應絞均着監候秋後處決餘依議

殺死通姦繼母

康熙二十一年五月刑部看得據常保供我父于本年正月染病臥着三月二十三日我去看我父親時我繼母在別的房內坐着我父見了我哭遂說你繼母金氏與王和尚通姦並不照管我我欲要殺因身病不能殺你若念父養你之恩替我殺了出我之恨如此說了於本月初二日夜王和尚同我繼母在小房裡睡着我乘他們睡着看機會至三更時越牆進去點了燈細看見二人在一處赤身抱睡我用斧砍死到坐堆子的步兵處告訴將我拿獲是實據常保之父二哥供我妻金氏與王和尚行姦我因染病動不得不能殺令常保殺死是實等語據王和尚之母高氏妻趙氏供王和尚與二哥之妻金氏通姦一年有餘屢次勸嚷不聽我們言語致身被殺等語常保雖承父命因姦殺死金氏王和尚但查姦殺律內卑幼不得殺尊長



犯則依故殺伯叔母姑兄姊律科等語律內並無知妻與他人通姦令子殺死免罪之條今常保以子因姦殺繼母金氏仍應照律凌遲處死又一議得常保殺死繼母金氏應照律凌遲處死但查律文內凡共犯罪者以先造意一人爲首若一家人共犯止坐尊長又律內凡妻妾與人通姦而本夫於姦所親獲姦夫姦婦登時殺死勿論等語律文內並無有知妻妾與他人通姦令子殺死之條金氏與王和尚通姦被伊夫二哥看見數次自欲殺害因染病不能動叫伊子常保殺之常保聽伊父之言見繼母金氏同王和尚赤身同睡因而殺死相應將常保免罪奉

旨金氏與王和尚通姦常保聽伊父之言將金氏王和尚殺死情有可原前擬凌遲不符着畫一議奏

淹死姦夫姦婦

雍正十一年 月刑部據廣撫楊 咨稱興寧縣已革廩生廖揚宗上令淹死無服族姪孫廖遇全與總麻堂姪孫婦彭氏二命一案緣彭氏夫亡耕作乏人雍正十年八月初二日雇同廖遇全耕田詎遇全調戲彭氏彭氏依允約於是夜通姦至晚遇全潛入彭氏房內姦宿四更時分彭氏之姑老彭氏口渴往廚房取茶路經彭氏房門聞房內有男人私語聲音遂叫起伊孫廖德先廖萬正隨同捉姦廖德先廖萬正守住房門老彭氏燃燈取繩持木棍站立門首萬正打開房門遇全急出老彭氏用棍擊傷廖遇全偏右仆地同萬正德先將遇全兩手用繩綁縛又自入房將媳彭氏兩手反綁隨於次早投明保長張林生早飯後老彭氏令廖萬正廖德先牽押廖遇全老彭氏自押其媳彭氏往縣送官途遇廖揚宗詢知情由廖揚宗以送官出



醜賄羞通族卽主令廖萬正等押往河中淹死萬正等以廖揚宗分  
尊各卽允從迫押至河邊廖揚宗令將遇全兩足網縛廖德先廖萬  
正同拉遇全投入水中老彭氏亦推其媳彭氏落水保長張林生在  
場目擊不行救阻各卽回家二命同時淹死老彭氏恐屍被冲卽於  
是晚同廖萬正等前往撈起歷審各認不諱查律載奸夫已就拘執  
而毆殺或雖在奸所捉獲非登時而殺並須引夜無故入人家已就  
拘執而擅殺至死律又載有服親屬皆許捉奸殺傷奸夫者與本夫  
同又律載威力主使人毆打而致死傷者並以主使之人爲首下手  
之人爲從論等語廖揚宗主使老彭氏及廖萬正等淹死廖遇全彭  
氏應以廖揚宗爲首廖揚宗應照夜無故入人家已就拘執而擅殺  
律杖一百徒三年廖萬正廖德先老彭氏均應照爲從論減一等各  
杖九十徒二年半老彭氏係婦人照律收贖廖揚宗廖萬正廖德先

定驛發配折責擺站俟限滿回藉交地方官嚴加管束不許出境保  
長張林生不行救阻應照知人謀害他人不卽阻當律杖一百折責  
四十板先行發落應如該撫所擬將廖揚宗廖萬正廖德先張林生  
徒杖發落完結老彭氏照律收贖可也 律內與本夫同句專頂婦  
人之父母伯叔姑兄弟姊外祖父母捕奸殺傷奸夫並不連有服  
親屬而言 老彭氏應依非理毆子婦故殺者杖一百流二千里  
爲從減一等滿徒



弟見兄妻行姦立時殺死

雍正十三年四月刑部會議得宿遷縣民謝文秀撞獲伊嫂許氏與陳四通姦登時並殺一案據蘓撫高 將謝文秀合依弟故殺兄妻律擬斬監候但該犯目覩兄妻與人通姦一時忿激殺死且又出自兄命並非懷挾私仇情實可原應否未減聽候部議謝文得依律勿論等因具題查律內本夫于姦所親獲姦夫姦婦登時殺死者勿論如果謝文得撞遇伊妻許氏與陳四通姦囑令伊弟謝文秀殺死洩忿則謝文得係造意為首謝文得照律勿論而下手之謝文秀復依故殺兄妻律擬以斬罪又稱情有可原揆之律例殊未允協應令該撫究出謝文得囑伊弟殺死姦夫姦婦實情妥擬具題到日再議可也奉

旨依議

刑部會典

卷十九人命

五十二

殺死姦夫



新編  
卷十九

新編  
卷十九



家主捉姦擅殺姦夫

康熙四十六年五月刑部會看得據廂黃旂覺羅瓦爾達佐領下六品典膳官花色供大成縣民孫光武租我房一間居住今年二月十五日午後我從該班處回家來見光武拴在馬棚柱上問其情由我家婦人滿珠向我說孫光武與蘇倫住通姦我看見叫博爾圖拏了拴在馬棚柱上如此告訴我忿怒拏鞭子將孫光武臂膊腰眼兩臂等處打了身死是實等語滿珠博爾圖俱與花色供同各自行招認驗看已死孫光武傷痕處臂膊後肋腰眼兩臂等處有木器傷等語查律內本夫拘執姦夫姦婦而毆殺者比照夜無故入人家已就拘執而擅殺至死律條科斷比夜無故入人家已就拘執而擅殺者杖一百徒三年等語再律內婦人之父母伯叔姑兄姊外祖父母捕姦殺傷姦夫者與本夫同等語花色係蘇倫住家主與父母同花色應



照本夫拘執姦夫姦婦而擅殺者律條科斷應革職照例折贖據蘇倫任供我原與孫光武通姦二月十五日我與孫光武通姦滿珠看見被獲是實自行招認除孫光武已死不議外蘇倫任合依凡奴僕及無甲冑賤人通姦律鞭一百滿珠情爾圖拴綁孫光武合依不應重律各應鞭八十滿珠係婦人照律收贖奉旨依議

先既縱姦後因人恥笑懷恨捕殺依故殺律科斷

乾隆四年四月刑部會議覆段林殺死伊妻王氏并扎傷張煥身死一案據河撫尹 疏稱段林同妻王氏於乾隆三年四月初三日僱與張煥家傭工尙未立契王氏卽與張煥私通爲段林撞遇欲行賊叫張煥許給衣服勸令勿語段林允從十七日夜張煥復至王氏房內行姦伊僱工范三窺見將門扣住張煥掇開房門逸出迨後范三時向人前嘲笑段林聽聞氣忿劉德不知段林賣姦情事出言譏誚段林羞忿回至住房聽聞張煥又在房內與王氏宣淫段林頓起殺機拔取身佩小刀入室將張煥連扎致傷肚腹左脖腦後項頸左臂肱肘等處張煥躲至王氏背後求救段林隨揪住王氏頭髮抹其頸項咽喉殞命張煥受傷深重至五月二十四日殞命屢審不諱將段林擬斬監候等因具題應如該撫所題段林合依縱容妻妾與人通



姦如因別情將姦夫姦婦殺死仍依故殺例擬斬監候秋後處決刺  
字該撫既稱范三劉德出言恥笑釀成人命合依不應重律杖八十  
遵例先行折責發落等語均應毋庸議奉  
旨段林依擬應斬着監候秋後處決餘依議

因姦母而殺死

康熙 年 月刑部覆浙撫陳秉直題周元林毆死賈希魁先經  
臣部以賈希魁欲行強姦周元林之母元林一時忿怒將希魁打死  
不便將周元林照故殺律擬斬行令該撫確擬去後今據該撫具題  
查周元林因賈希魁到家拜年遂留飲酒歇宿希魁酒後欲強姦元  
林之母邵氏元林聞母聲喊一時氣忿持木棍石塊將賈希魁打死  
周元林依姦夫已就拘執而毆殺引夜無故入人家已就拘執而擅  
殺至死律杖一百徒三年周元壽在傍不行勸阻合依不應重律杖  
八十伊等犯在

赦前免罪奉

旨依議



報母仇殺姦夫

康熙五十四年七月刑部據晉撫蘇 題查侯四輅與喬雲盛之母  
妹通姦事發到官雲盛母妹羞媿自縊停棺在家雲盛每見扇恨四  
輅康熙五十二年九月二十九日四輅在戲場前窺視他人婦女雲  
盛見而感觸前恨遂起殺機回家取鏹乘四輅不防從後扳倒亂砍  
四輅顛門心坎等處殞命雲盛自行沒首喬雲盛合依故殺律擬斬  
監候再該撫既疏稱喬雲盛因四輅姦伊母妹以致兩人自縊停喪  
未葬每見傷心猝遇仇人砍死以報母仇且又當時白首甘心認罪  
情亦可矜可否減等出自

皇仁相應一併奏請等語查雲盛母妹因與四輅通姦羞媿自縊停喪未  
葬觸目傷心砍死仇人當即白首認罪情有可憫應否減等伏候

上裁奉

臣等謹

奏

五十七

殺死姦夫



古書雲盛從寬免死照例減等發落

因姦夫久佔母氏并欲逐父毆飲伊母奪斧打傷致死

雍正十三年三月刑部會議得樂平縣民徐節孫毆死黃起鵬一案據江撫常疏稱黃起鵬先與徐節孫之父徐祥生合夥生理黃起鵬常歇徐祥生家與徐祥生之妻程氏通姦有年後徐祥生折本不能養家黃起鵬包佔程氏併罵逐徐祥生自是徐祥生挈子徐節孫外出趨食不敢頻歸詎黃起鵬猶惡徐祥生偶至買藥合程氏毒死程氏不允常被黃起鵬打罵雍正十年十月十四日夜黃起鵬聞徐節孫自景德鎮歸又罵程氏戀大與子致其逃至程氏捧茶勸睡黃起鵬將茶碗摔碎揪住程氏頭髮按倒牀邊用拳亂毆復又拾斧向砍程氏喊救徐節孫聞喊奔至見母披髮被擒恐其砍傷救母情急卽忙奪斧回打黃起鵬一下適中左太陽仆倒在牀逾時殞命此時鄰佑童志生童大亨驚起趨視言欲報官程氏央求免報各散程氏



又喚外甥童正翰計議同子徐節孫抬屍至灰屋埋藏經前縣李嵩  
察出起屍相驗通詳飭審各認不諱除徐祥生取供後發保病故不  
議外將徐節孫等擬以絞杖等因具題查黃起鵬姦佔程氏將伊夫  
徐祥生伊子徐節孫並行逐出又強逼程氏毒死伊夫程氏不從卽  
行打罵不已爲徐節孫者卽使造意將黃起鵬謀死猶當援子報父  
仇之情別爲置議何況日觀黃起鵬按住伊母持斧向砍若不奪打  
聽其下手則徐節孫之罪與殺母無異今該撫照凡人鬪毆律擬以  
絞抵殊未允協應合該撫另行妥擬具題再議可也奉

旨此本部駁甚是但議稱黃起鵬持斧欲砍徐節孫之母徐節孫若不打  
奪聽其下手則其罪與殺母無異等語此處甚爲錯謬凡父母與人爭  
鬪而救護情急致傷人命者止當原其救父母之情若救護不力而卽  
加以殺父母之罪自古及今無此科條也此等過當之語卽見之談論

尙且不可今乃載入本章通行天下是迫人子以不得不殺人之勢又  
添殺人救親之條例矣况果如部議若或有兇惡之徒謀欲殺人先令  
伊父母尋釁鬪毆故作跌撲損傷狀而伊子繼至迫切救護致斃人命  
且得引若不奪打與殺母無異之案以自辯則貽害長奸又豈可勝言  
乎數年以來屢降諭旨凡救親情急致成命案者當察其情罪之輕重  
以定減等與否假若一槩從寬則其中詐僞百出弊竇叢生用罰多不  
得其平矣從前諭旨甚明此案內徐節孫之罪寔有可原但部議與殺  
母無異一語大有疵病不得不指出以曉諭內外之秉持法憲者餘依  
議



知母被人調戲扭打致死擬抵

乾隆八年六月刑部會議覆白士惠扎傷無服族叔白繼興身死一案據河撫雅疏稱緣白士惠趕集其母牛氏在室紡花白繼興走入氏家見氏獨處頓起淫心卽手摸氏口欲其同寢牛氏氣忿詈罵白繼興走出牛氏追至街上嚷罵適白士惠回家詢知情由卽將白繼興扭住欲同人理講白繼興卽用拳毆白士惠情急拔身佩小刀格架不期致傷白繼興左脇次日殞命屢審不諱將白士惠擬絞等因具題查白繼興調姦無服族嫂牛氏據伊叔白國才稟報並非一面之詞是白繼興淫惡之罪已無可逭白士惠因伊母被白繼興調奸情由知母詈罵扭住理講此氣忿所必至其拔刀格架白繼興殞命乃係被毆情急所致與尋常忿爭起釁鬪毆者迥別該撫遽將白士惠依鬪殺律擬抵殊未允協應會該撫另行妥擬具題到日再議



可也奉

旨部駁甚是依議

因人圖姦寡嫂商同旁人共毆致死誤照罪人不拒捕科斷

雍正八年 月刑部會議覆河督田 疏稱信陽州萬承寵素與甘  
雲寡嫂鄔氏通姦雍正五年九月二十九日夜萬承寵復入鄔氏房  
內行姦而出當被甘雲之甥馮義同雇工李堂捉獲萬承寵叩求釋  
放許給錢五千文馮義等脫其皮袄爲質十月初一日萬承寵浼陳  
覺士持錢二千文白布六疋作錢三千文給付馮義等收受將皮袄  
贖回詎甘雲知于十月二十二日晚隨邀馮義等飲酒詢知前情  
甘雲忿恨卽囑李堂如萬承寵再來通知捉拏毆打洩忿十月二十  
四日馮義他出甘雲在外飲酒萬承寵暗浼李堂留門期于是夜復  
來與鄔氏行奸適甘雲歸家李堂告知甘雲甘雲卽商同杜力幫助  
毆打杜力依允時至二更萬承寵果至鄔民住房撥門甘雲聽聞持  
鎗出視喝問萬承寵不應奔走甘雲用鎗扎中萬承寵右膀萬承寵



廿依議

奪鎗甘雲近前推跌在地用拳打傷耳根聲喊有賊杜力李堂繼至甘雲令其毆打杜力用拳毆萬承寵眼睛眼胞人中復拾劈柴毆其脛膊左膝李堂亦用劈柴毆其肱肘手腕等處拉至馬棚甘雲將承寵用繩拴縛柱上又用刀割斷萬承寵脚筋經隣人陳覺士同萬承寵之兄萬承澤將承寵抬回次日殞命審擬具題甘雲合依罪人不拒捕而殺者以聞殺論律擬絞監候鄔氏合依通奸例枷號一個月責四十板該督既稱杜力合依餘人律責四十板馮義陳覺士均合依私和奸事者應減和奸二等律杖六十折責二十板俱先行發落等語應無庸議馮義所得銀布照追入官脫逃之李堂緝獲另結奉

因圖姦子媳忿毆致斃

乾隆元年十一月刑部會議覆李廷林毆死李恪一案據直督李疏稱李恪原屬安姓賣與李廷林大功服兄李廷臣養為義子與李廷林比隣而居雍正十三年六月二十四日早李恪見李廷林兒媳邢氏獨居自在後院隔牆擲土調戲邢氏喊詈李廷林聞聲趨問李恪已經逸去迨二十六日李恪復起淫心越牆抱氏求姦邢氏掙扎喊叫李廷林奔救李恪踰牆而遁二十七日李恪在村外樹下乘涼睡熟李廷林看見觸起前忿即取鐵屈木杆連毆李恪額角眉叢李恪欲行扒起李廷林恐其還手又打傷其脚腕臙肱等處復毆其脊背臂膊并用木杆頭戳其腎囊李恪傷重移時殞命屢審不諱李廷林依罪人不拒捕而擅殺律擬絞監候李廷臣依乞養異姓律擬杖俱援



赦免罪等因具題查律內非姦所捕獲及指姦者勿論等語又例內姦夫  
奔走良久或趕至中途或聞奸次日追而殺之並依故殺等語今李  
廷林謂李恪于二十六日欲強奸伊媳二十七日見李恪在樹下乘  
涼睡熟觸起前忿卽持鐵屈木杆將李恪連毆斃命是李恪欲行強  
姦之處並無証據又不投明地隣且于村外樹下毆殺非奸所捕獲  
之地旣與指奸無異况並未成奸乃越日追殺又與聞奸次日追殺  
者情罪更甚是李廷林致死李恪顯有挾仇謀故情弊承審各官並  
不嚴究寔情將李廷林依罪人不拒捕而擅殺律擬絞援免與律未  
協應令該督再加嚴審務得致死寔情按律妥擬具題到日再議奉  
旨部駁甚是依議 乾隆二年九月刑部會議覆李廷林毆死李恪一案  
先據直督李 將李廷林依罪人不拒捕而擅殺律擬絞李廷臣依  
乞養異姓以亂宗族律擬杖援免等因具題臣部等衙門查明題駁

咨行去後今該督疏稱例載姦夫奔走良久或趕至途中或聞奸次  
日追而殺之並依故殺論此所指奔走之奸夫係和奸已成之犯其  
罪本不至死被本夫徑情殺害是以依故殺論若強奸良嬖已成係  
應死之犯被本夫父兄忿激追殺而擬以斬抵則是嬖女旣貽終身  
不洗之羞而又令抵償淫惡之命情理未洽今李恪抱逼邢氏尚未  
成奸雖非應死之人寔亦有罪之犯所以前擬李廷林以罪人不拒  
捕而擅殺之條且例載聞奸次日追殺並擬故殺者亦指本夫父兄  
忿怒激烈有必殺之心立時殺訖始照故殺定斷若聞奸次日止圖  
追毆洩忿不期下手過重致命姦夫受傷或逾時而死或越日而死  
原無必殺之心亦不得依故殺之律蓋聞毆殺人罪止擬絞得以援  
免而毆傷奸夫致死反依故殺擬斬不在赦免之列是毆殺有罪之  
奸夫轉重于毆殺無辜之平人似未平允李廷林因李恪抱媳強奸



止圖洩忿並非謀故等語查李恪調戲邢氏已經兩次全無一人見証李廷林既不報明地隣又不鳴官究治又不俟李廷臣回家訴知前情突將李恪毒毆斃命查李廷林雖供李恪曾經調戲然並未成奸况此時熟睡並未角口激怒其所持之桿係釘鐵屈成二牛拉犁之木桿非尋常木器可比既連毆其額角眉叢復傷其脚腕臍脯厥等處李恪並未回毆負痛在地翻滾亦可以洩忿而李廷林又復毆其脊背臂膊甚至窳後用木桿頭截其致命腎囊以致李恪移時殞命是李廷林之必殺李恪其情已屬顯然即係因奸而殺正與聞奸次日追殺並依故殺之例相符即以平人聞毆殺論將並未回毆角口之人執持兇器連毆重傷骨碎者數處致命者數處如此狠毆斃命亦當律以故殺臣部衙門曾經詳細駁明而該督仍依罪人不拒捕而擅殺律擬絞殊未妥協李廷林合改依聞奸次日追而殺

依故殺律擬斬監候秋後處決不應援

赦李廷臣應如該督原擬合依乞養異姓以亂宗族律杖六十但事他在

雍正十三年九月初三日

恩赦以前應免罪奉

旨九卿議奏



謀殺姦夫從而不加功之姦婦枷責

康熙五十七年 月刑部會看得陳其章謀死羅精一一案據湖撫張 審擬斬流杖罪具題查盧習臣之妻杜氏先與羅精一通姦後又與陳其章通姦精一懷忿屢欲捉捕其章其章恐被捕獲欲先謀害于康熙五十六年五月初七日商謀杜氏密約精一米家是日杜氏遇見精一許其夜來精一果至氏家叩壁其章令氏開門甫入其責持斧連砍精一顛門等處一十六傷精一當卽殞命歷審情真陳其章合依謀殺人造意律擬斬監候秋後處決杜氏合依從而不加功律杖一百流三千里係犯姦之婦不准收贖枷號兩個月責四十六板盧習臣該撫既稱雖不知情但事後不首合依知人謀害他人不首告律杖一百折責四十六板發落奉

旨陳其章依擬應斬着監候秋後處決餘依議



屢次圖姦致動公忿商謀緘死

雍正八年 月刑部議覆蘇撫尹 疏稱王福與華大升李天祥俱屬村鄰王福向曾調戲李天祥之妻後又與華大升之妻王氏通奸華大升歸家撞遇王福奔逸華大升將妻休棄王福反揚言欲將華大升毆死村鄰聞知各抱不平李天祥亦因王福曾經調戲其妻欲乘機報復遂與周孟明至華大升家商謀將王福緘死拋屍滅跡華大升聽從李天祥復約張叔華周五李孟明周孟甫張叔采等同至華大升家買脩酒菜將王福灌醉李天祥周孟甫張叔采站立門外周孟明推倒王福坐住下身張叔華坐在上身華大升解下王福束腰手巾套于王福頸上同張叔華緘緊登時殞命周五搖周孟甫之船華大升張叔華張叔采抬屍下船周五取石縛于王福脚下棄屍水中而散嗣經華大升自行投首并獲各犯審認不諱將華大




升等擬以絞流枷責等因具題除造意之李天祥爲從之張叔采俱於取供後在監病故不議外華大升張叔華周五李孟明俱合依謀殺人從而加功律擬絞監候刺字周孟甫合依謀殺人不加功律僉妻流三千里至配所責四十板王氏照通奸例枷號一個月責四十板給伊父王子千收領再該撫疏稱王福夤夜奸污致華大升休棄其婦復又揚言暗害以致地鄰一時公憤李天祥乘机報復華大升聽從旋又自行投首與尋常挾仇謀殺者有間今李天祥張叔采兩命已墮獄底若再將華大升等四命坐抵似覺情有可憫合并殺明統聽部議等語查律內謀殺人造意者斬監候從而加功者絞監候不加功者杖一百流三千里等語今該撫雖稱華大升等聽從李天祥將王福致死因公憤所激但律內並無末減之條應將該撫聲明之處無庸議又疏稱監斃李天祥張叔采之管獄官係金匱縣典史

鍾湛照例罰俸一個月查鍾湛又監斃流犯張叔采應照例再罰俸三個月奉

旨王福以淫惡爲地隣公憤致李天祥起意緘死華大升等原係聽從指使今造意之李天祥張叔采俱已監斃華大升等俱從寬免死照例減等發落餘依議





Faint vertical text columns, likely bleed-through from the reverse side of the page. The characters are mostly illegible due to fading and the ink smudge.



